

seine Stette ordnete: Wie kommt der arme **CHRISTUS** darzu/ daß Erß muß nicht allein leiden/wider alle sein Ruffen und Schreyen/sondern auch selbst rühmen/ daß wir arme Scheblinge und Maden-Säcke Ihm seine Diener aus gefasten Muth austossen/ und setzen Ihme Juncker jämmerlich hinein. Heist das nicht; *Os ponere in cœlum*, so weiß ich nicht/was es heist/ &c.

TITVLVS SECVNDVS

De Magistratu & Subditis.

SECTIO PRIMA

DE MAGISTRATV.

CASVS I.

AN Magistratus Subditos ad amplectendam veram religionem cogere possit & debeat?

§. 1.

PRO decisione Casus propositi quædam præmittenda sunt & 1. quidem ex parte subjecti, quod est Magistratus; Ubi sermo est, non de quolibet, sed supremo Magistratu, & quidem Orthodoxo: Quod enim attinet Magistratum falsæ religioni addictum, largiuntur Orthodoxi, quod nec ad suam religionem jure possit cogere Subditos, nec etiam eos, qui veram religionem amplectuntur, ad eam compellere.

§. 2. Conantur quidem Pontificii probare, hoc incumbere Cæsareæ Majestati 1. vi juramenti, quo se obligavit, quod omnes populos perducere velit ad illam religionem, quam Petrus Romanis tradidit. 2. Quod ei incumbat coactio ad cœtus Pontificiorum frequentandos, quæ non fit ad ipsam fidem, sed tamen ad medium fidei, nempe auditum verbi. 3. Non sine fructu audiri Catholicorum conciones, h. m. enim contrariis juxta se positis, veritatem magis elucescere.

§. 3. Verum sicut Subditi veram religionem amplexi salvâ conscientia cœtibus heterodoxorum promiscuè & ordinariè interesse non possunt: ita nec Magistratui convenit, eos ad frequentan-